

## Su'aalaha Inta Badan La Iska Weydiiyo Agabka Baaritaanada COVID-19 ee Wakhtigoodu Dhacay

Ha iska tuurin agabkaaga baaritaanada COVID-19 ee wakhtigoodu dhacay weli. Waa kuwan siyaabaha lagu ogaado haddii agabkaaga baaritaanka COVID-19 uu weli ku fiican yahay in la isticmaalo marka la dhaafay taariikhda dhicitaanka ee ku qoran kartoona.

### Ma isticmaali karaa agabka baaritaanka COVID-19 oo wakhtigiisa uu dhacay?

Haa. Washington State Department of Health (DOH, Waaxda Caafimaadka Gobolka Washington) waxa ay shaacisay [oggolaanshaha rasmiga ah ee ku saabsan adeegsiga agabka baaritaanada wakhtigoodu dhacay](#) (ku qoran Af-Ingiriisi) waa haddii agabku ka gudbo tijaabada tayada, oo aan hoos ku sharraxeyno.

Intaa waxaa dheer, qaar kamid ah agabka baaritaanka COVID-19 waxa ay kordhinta muddada la isticmaali karo kahelaan U.S. Food and Drug Administration (FDA, Maamulka Cuntada iyo Dawooyinka Maraykanka), kuwaas oo siiya agabyadaas baaritaanada taariikh cusub oo ay dhacayaan oo ka duwan waxa aad ku aragto kartoona. Waxaad ka eegi kartaa [liiska FDA ee agabyada baaritaanada leh muddada la kodhiyey](#) (ku qoran Af-Ingiriis iyo Af-Isbaanish) si aad u eegto agabyada la cusbooneysiisay taariikhda ay dhacayaan. Xitaa haddii agabka la isku baaro uu leeyahay taariikhda dhicitaanka ee la cusbooneysiisay oo hadda la dhaafay, sida ay qabto DOH, wali waad isticmaali kartaa agabka la isku baaro haddii uu ka gudbo tijaabada tayada.

Xaqiiqada muhiimka ah: Waxaad isticmaali kartaa agabka baaritaanka oo dhacay haddii uu ka gudbo tijaabada hubinta tayada ku dhex dhisan.

### Sidee ayaan ku ogaanayaa in agabka la isaga baaro COVID-19 oo dhacay uu isiin doono natiijooyin sax ah?

Agabkaaga baaritaanka COVID-19 waxa uu la imaan doonaa tilmaamo kusaabsan tallaabooyinka la qaadayo si loo xaqiijiyo in agabka la isku baaro uu u shaqeynayo si la isku halleyn karo, sidoo kalena loogu yeero “tijaabada tayada.” Waxaad badanaa ka heli kartaa hannaanka tijaabada tayada gudaha qeybta natiijada agabka baaritaanka ee xaashida tilmaamaha agabka baaritaanka. Hannaanka tijaabada tayada ee loogu talagalay agabyo badan oo kuwa guryaha la isku baaro ah ayaa ah kaliya xaqiijinta leenka ku xiga “C” ee ku dul qoran caagga agabka baaritaanka inuu kor u dhaafayo marka dheecaanka lagu dhibciyo. Haddii hannaanka tijaabada tayada uu guuldarreysto, waa inaad gabi ahaanba tuurtaa baaritaanada.

### Sidee buu agabka la isku baaro u heli karaa muddo kordhinta?

Si aad dukumiintigaan oo qaab kale ah u codsato, wac 1-800-525-0127. Macaamiisha dhegoolaha ah ama maqalka ku adag, fadlan wac 711 (Washington Relay) ama iimayl u dir [civil.rights@doh.wa.gov](mailto:civil.rights@doh.wa.gov).

Soo saarayaasha agabka baaritaanada ee COVID-19 waxaa looga baahan yahay inay sameeyaan daraasado ay ku eegayaan muddada ilaa iyo inta la isticmaali karo agabka la isku baaro. FDA waxa ay raadraaceysaa xogtaan si ay u oggolaato kordhinta taariikhaha dhicitaanka. Kordhinta muddada isticmaalka ee agabyada baaritaanada COVID-19 waa wax iska caadi ah ilaa iyo inta ay ka imaaneyso xog dheeraad ah oo kusaabsan inta ay sii nagaan karaan agabyadaan baaritaanada.

Waxaan rajeyneynaa in macluumaadkaan uu kuu xaqiijinayo marka la isticmaalayo agabyada baaritaanada ee u muuqda kuwa dhacay iyada oo lagu saleynayo taariikhda dhicitaanka ee ku qoran baakadda. Hadda waad ogtahay waxa la sameeyo si aad u aragto haddii agabka la isaga baaro COVID-19 uu ku fiican yahay in la isticmaalo: si fudud u raac tilmaamaha agabka baaritaanka ee loogu talagalay tijaabada tayada. Haddii agabka baaritaanka uu ka gudbo tijaabada tayada, wali waa mid ammaan oo wanaagsan in la isticmaalo

Waad ku mahadsan tahay dhammaan waxa aad u sameeyso in aad uga dhigto bulshooyinkeena kuwo ammaan ah oo caafimaad qaba!

Si aad dukumiintigaan oo qaab kale ah u codsato, wac 1-800-525-0127. Macaamiisha dhegoolaha ah ama maqalka ku adag, fadlan wac 711 (Washington Relay) ama iimayl u dir [civil.rights@doh.wa.gov](mailto:civil.rights@doh.wa.gov).